

Projekat „Procesuiranje ratnih zločina”

Osnovni cilj Projekta za procesuiranje ratnih zločina je pružanje hitne pomoći pravosuđu u Bosni i Hercegovini (BiH) radi ubrzanja pravičnog i efikasnog procesuiranja predmeta ratnih zločina. Projekat koji provodi Misija OSCE-a u BiH, uz finansijsku pomoć vlada Ujedinjenog Kraljevstva, Norveške, Švicarske, Sjedinjenih Američkih Država, Italije i Njemačke, će trajati približno 15 mjeseci, do priliva sredstava iz Instrumenta za pretpristupnu pomoć EU (IPA) radi pružanja dalje podrške procesuiranju ratnih zločina u BiH.

U BiH je zabilježen određeni uspjeh u procesuiranju predmeta ratnih zločina. Između 2004. i marta 2013. godine, 214 predmeta ratnih zločina okončano je u BiH. Osuđeno je i kažnjeno 235 osoba na ukupno 2.262 godine zatvora. Uprkos ovim rezultatima, na procesuiranje čeka još približno 1.315 predmeta ratnih zločina.

Državna strategija za rad na predmetima ratnih zločina propisuje da se najsloženiji i najprioritetniji predmeti okončaju do 2015. godine, a svi ostali predmeti do 2023. S ciljem ispunjavanja ovih rokova, procesuiranje predmeta se mora značajno ubrzati, a u isto vrijeme se mora osigurati da se u postupku ispoštuju najviši pravosudni standardi i standardi zaštite ljudskih prava.

Projekat za procesuiranje ratnih zločina ima za cilj da poboljša kapacitete pravosuđa u BiH za procesuiranje ratnih zločina, te da riješi najhitnije potrebe za dodatnim osobljem i obukom sudija i tužilaca na različitim pravosudnim nivoima u BiH. Ovaj Projekat koji je posebno osmislila Misija OSCE-a u BiH i njeni partneri, radi premoštavanja perioda od 15 mjeseci, do priliva 15 miliona eura iz IPA fondova, odmah će pokriti najhitnije potrebe pravosuđa u BiH.

U posljednjih nekoliko godina, u skladu sa Državnom strategijom za rad na predmetima ratnih zločina, stotine predmeta ratnih zločina su sa državnog nivoa ustupljeni nižim pravosudnim nivoima. Ovo ustupanje je značajno uticalo na strukturu neriješenih predmeta ratnih zločina u BiH. Približno polovina od 1.315 neriješenih

predmeta sada potpada pod nadležnost pravosuđa na državnom nivou, a drugu polovinu će procesuirati pravosuđe u entitetima i Brčko distriktu BiH. Ljudski i materijalni resursi ovih pravosudnih institucija, posebno u entitetima i Brčko distriktu BiH, moraju se osnažiti radi ispunjavanja rokova iz Strategije.

S obzirom na trenutne potrebe i status procesuiranja ratnih zločina, Projekat će u sljedećih 15 mjeseci najviše pažnje posvetiti upošljavanju dodatnih stručnih saradnika u tužilaštvima, posebno u entitetima i Brčko distriktu BiH. Nakon što budu angažovani i prođu intenzivnu dvosedmичnu obuku koju će pružiti Misija OSCE-a u BiH u saradnji sa Centrima za edukaciju sudija i tužilaca, uticaj angažmana ovog dodatnog osoblja će se pomno pratiti, te će se periodično vršiti procjena efikasnosti njihovog rada.

U okviru Projekta za procesuiranje ratnih zločina, Misija OSCE-a u BiH će također vršiti intenzivnu i specijaliziranu obuku za sudije i tužioce koji rade na predmetima ratnih zločina, branitelje, policiju i drugo stručno osoblje. Ova specijalizirana obuka će biti prilagođena posebnim potrebama svake grupe i osmišljena u saradnji sa organima vlasti u BiH radi zadovoljavanja njihovih ključnih potreba. Rezultat toga će biti efikasnije i učinkovitije procesuiranje ratnih zločina. Osim obuke, Misija OSCE-a u BiH će pružiti operativnu podršku, u vidu finansiranja ekshumacija, istraga i putnih troškova svjedoka.



British Embassy
Sarajevo



Ambasada
Savezne Republike Njemačke
Sarajevo




Procesuiranje ratnih zločina u BiH

- **214** predmeta ratnih zločina okončano u BiH u periodu od 2004. do marta 2013. godine
- **235** osoba osuđeno za ratne zločine pred sudovima u BiH u periodu od 2004. do marta 2013. godine
- Osuđeni za ratne zločine u periodu od 2004. do marta 2013. godine su kažnjeni na ukupno **2.262** godine zatvora
- Trenutni broj neriješenih predmeta ratnih zločina (2013.) iznosi **1.315**
- **3** godine je ostalo da se riješe najteži i najsloženiji predmeti ratnih zločina
- **10** godina je ostalo da se riješe svi neriješeni predmeti ratnih zločina u BiH


Projekat „Procesuiranje ratnih zločina“ (2013. - 2014.)

- Očekuje se da će provedba Projekta trajati **15** mjeseci
- **24** stručna saradnika će biti angažovana kako bi se odmah ojačali kapaciteti pravosudnih institucija u kantonima, Distriktu i na državnom nivou
- **65** istražitelja za predmete ratnih zločina će proći obuku
- Više od **200** sudija, tužilaca i branitelja koji rade na predmetima ratnih zločina će proći obuku
- Biće pružena pomoć istražiteljima i tužiocima u obavljanju **100** ekshumacija
- Biće pružena pomoć u pokrivanju troškova prevoza za **150** svjedoka u predmetima ratnih zločina
- Projekat će omogućiti finansiranje u periodu do priliva **15 miliona** eura iz IPA fondova EU-a namijenjenih pomoći u procesuiranju ratnih zločina za period 2014. - 2017.


Okončani predmeti ratnih zločina 2004. - 2012. (svi pravosudni nivoi u BiH)



Predmeti ratnih zločina u postupku pred sudovima u BiH



Ukupan broj okončanih predmeta ratnih zločina u BiH u odnosu na broj neriješenih predmeta ratnih zločina u BiH



* Navedeni statistički podaci se zasnivaju na podacima koje je prikupila OSCE Misija u BiH do 31. marta 2013.

